

E Ihowā Atua,  
O ngā iwi mātou rā  
Āta whakarangona;  
Me aroha noa  
Kia hua ko te pai;  
Kia tau tō atawhai;  
Manaakitia mai  
Aotearoa  
Ōna mano tāngata  
Kiri whero, kiri mā,  
Iwi Māori, Pākehā,  
Rūpeke katoa,  
Nei ka tono ko ngā hē  
Māu e whakaahu kē,  
Kia ora mārire  
Aotearoa  
Tōna mana kia tū!  
Tōna kaha kia ū;  
Tōna rongo hei pakū

Ki te ao katoa

Aua rawa ngā whawhai

Ngā tutū e tata mai;

Kia tupu nui ai

Aotearoa

Waiho tona takiwā

Ko te ao mārama;

Kia whiti tōna rā

Taiāwhio noa.

Ko te hae me te ngangau

Meinga kia kore kau;

Waiho i te rongo mau

Aotearoa

Tōna pai me toitū

Tika rawa, pono pū;

Tōna noho, tāna tū;

Iwi nō Ihowā.

Kaua mōna whakamā;

Kia hau te ingoa;

Kia tū hei tauira;  
Aotearoa